

OKVIRNI SPORAZUM O PRUŽANJU USLUGA OSIGURANJA MOTORNIH VOZILA

Zaključili dana 16.09.2015.godine

KJKP «PARK» d.o.o. SARAJEVO, ul. Patriotske lige broj 58, kojeg zastupa direktor
Safet Baltić, dipl.ecc (u daljem tekstu Naručilac usluga)

IB 4200258320003

I PDV 200258320003

PB 01071316

T.R. 161 000 000 8150048 Raiffeisen bank dd Sarajevo BiH

i

SARAJEVO – OSIGURANJE d.d. Sarajevo, Podružnica Sarajevo ul. Maršala Tita br. 29
kojeg zastupa direktor Muhidin Olovčić, (u daljem tekstu Osiguravatelj)

IB 4200326930184

I PDV 200326930001

T.R. 3389002205654395 UniCredit Bank Sarajevo

I Predmet ugovora

Član 1.

Predmet ovog Okvirnog sporazuma je **pružanje usluga osiguranja motornih vozila** u daljem tekstu Usluge) prema konkurentskom postupku objavljenom na portalu e-nabavke broj.410-7-2-483-3-47/15 od 19.08.2015.godine ponudi Ponuđača br.JN-730-1 od 28.08.2015.godine. i Prilogu 1. koji čine sastavni dio ovog (okvirnog sporazuma).

II Cijena

Član 2.

Ukupna cijena za pružanje usluga iz člana 1.ovog sporazuma utvrđuje se u iznosu od **9.443,00 KM bez PDV-a** (devethiljadačetiristotinečetdesettri) KM). Jedinične cijene za pružene usluge utvrđene su u nepromjenjivim - fiksnim iznosima na paritetu fco sjedište Kupca. Ponuđač će vršiti uslugu na osnovu konkretnih sedmičnih narudžbi Naručioaca za period na koji se tražena ponuda odnosi. Ukupna vrijednost utvrdit će se na osnovu fiksnih-nepromjenjivih jediničnih cijena i pruženih usluga u određenom periodu.

III Rok izvršenja usluge

Član 3.

Davalac usluga se obavezuje da će usluge iz člana 1. ovog sporazuma izvršiti u roku od 3 (tri) dana po prijemu pojedinačnih narudžbi od strane Naručioca usluga.

IV Rok i način plaćanja

Član 4.

Naručilac usluga se obavezuje usluge iz člana 1 i Priloga broj 1 ovog sporazuma platiti Davaocu usluga na osnovu fakture koju je obavezan ispostaviti Davalac usluga u roku od 60 (šezdeset) dana od dana izvršenja usluge tehničkog pregleda vozila.

VI Ostale odredbe

Član 5.

U slučaju propusta Davaoca usluge u izvršavanju sporazuma, Naručilac usluge može uz dostavljanje Davaocu usluge pismene obavijesti o neizvršavanju ovog sporazuma prekinuti sporazumni odnos u cjelini ili u njegovom dijelu, ako Davalac usluge ne ispravi svoj propust u roku od sedam dana nakon prijema obavijesti o propustu u izvršavanju ovog sporazuma.

Član 6.

Rok trajanja ovog sporazuma utvrđuje se u periodu od (1) jedne godine dana računajući od dana obostranog potpisa ovog sporazuma.

Član 7.

Ako Davalac usluge ne izvrši pužanje usluge Naručiocu usluge u ugovorenom roku dužan je platiti ugovornu kaznu u iznosu od 0,2% (dva promila) računajući od vrijednosti konkretne narudžbe za svaki dan prekoračenja ugovorenog roka. Ukupan iznos ugovorne kazne ne može preći iznos od 5% (pet odsto) vrijednosti konkretne narudžbe.

Član 8.

Svaka ugovorna strana može otkazati sporazum bez obrazloženja sa otkaznim rokom od 30 (trideset) dana.

Član 9.

Ako slučaj više sile potpuno ili djelomično spriječi izvršenje obaveza po ovom sporazumu, sporazumna strana je obavezna obavijestiti drugu stranu u roku od 2(dva) dana od dana nastanka više sile.

Član 10.

Sporazumne strane su saglasne da će sve eventualne izmjene i dopune ovog sporazuma regulisati njegovim Anexima.

Član 11.

Sve eventualne sporove sporazumne strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

Član 12.

Ovaj sporazum stupa na snagu danom obostranog potpisa ugovornih strana po ovlaštenim licima.

Član 13.

Sve izmjene i dopune ovog sporazuma mogu se vršiti isključivo i samo uz pismenu saglasnost ugovornih strana.

Član 14.

Sastavni dio ovog sporazuma čini:

1. Specifikacija sa cijenom iz Ponude Ponuđača broj: JN-730-1 od 28.08.2015.g.

Član 15.

Ovaj sporazum je sačinjen u 6 (šest) jednakih primjeraka od kojih Kupac zadržava 4 (četiri), a 2 (dva) primjerka se uručuju Prodavcu.

Za Davaoca usluge:
DIREKTOR


Muhidin Olovčić

Broj: 191-6440/15
Sarajevo, 16.09.2015.



Za Naručioca usluge:
DIREKTOR


Safet Baltić, dipl.ecc

Broj: JN-730-2/15
Sarajevo, 16.09.2015.god.